

UTUMIKI BWATHU BWA UMAMBO

MARÇO 2015

MSOLO WA MWEZI: 'Khalani Wakukonzeka kucita Basa Liri-lense Labwino.'—Tito 3:1.

MDZINGA WAKUYAMBIRA PA 9 MARÇO

Nyimbo 44 na Mpembo

Pfunziro la Bibliya la Gwere:

my msolo 82 (mph. 30)

Xikola ya Utumiki bwa Mulungu:

Kuwerengedwa kwa Bibliya: 1 Samuweri 1-4 (mph. 8)

N.º 1: 1 Samuweri 2:30-36 (mph. 3 ayai zaku-cepa)

N.º 2: Kodi Bibliya Lidaleweratu Ciyanı bza Me-siya?—igw-CN tsa. 10 (mph. 5)

N.º 3: Kawonedwe ka Mulungu m'Bibliya pa kaphatisidwe basa ka mulopa—bh-CN msolo 13 ndi. 10-12 (mph. 5)

Mtsonkhano wa Basa:

Nyimbo 45

Mph. 10: 'Khalani Wakukonzeka kucita Basa Liri-lense Labwino.' Nkhani yakucokera pa msolo wa mwezi. Werengani mucicezerana Mimwani 21:5, Tito 3:1, na 1 Pedru 3:15. Fotokozi momwe kukonzekera bwino kumbapasira phindu Wakristau. Lewani mwacigwatho mbali zinango za mu Mtsonkhano wa Basa za mwezi uno ndipo cezeranani momwe zinkubvekesera msolo wa mwezi uno.

Mph. 10: Bvunzani Nyakunyang'anira Xikola ya Utumiki bwa Mulungu. Kodi basa lanu mu gwere limbaphatanidza ciyanı? Kodi mumbakonzekera tani kuti mukacitise xikola mdzinga uli-wense? N'thangwe ranyi anyakupfunza an'funika kumbakonzekera bwino mbali zawo zomwe ambapasi-dwa? Kodi abveseri wambagumana phindu liponi akawerengeruteru mbalizo pomwe anati kuyenda ku mitsonkhano?

Mph. 10: "Kodi Munkukonzekera Cikumbuso?" Nkhani yakucezerana. Bwerezanani mwacigwatho nfundu zomwe ziri pa tsamba 2 la mu *Utumiki Bwathu bwa Umambo* bwa Março 2013. Citanimbo ciratizo cakuwonesa mpalizi ankutambira mulendo pa Cikumbuso.

Nyimbo 8 na Mpembo

Kodi Munkukonzekera Cikumbuso?

Ikhali nsiku 13 ya Nisani mu gole la 33 E.C. pomwe Jezu akhanati kuphedwa akhadziwa kuti akhadandosala na usiku bwakumalizira kuti akhalire pabodzi na azixamwali wace. Iye ada-

cita cikondweso cakumalizira ca Paskwa pabodzi na iwo ndipo patsogolo pace iye adakhazikisa mtemo upsa, womwe umbacemerewa Cilaliro ca Mbuya. Cakucitika cakufunika ninga cimwe-ci cimbafuna kukonzekera. Na tenepo, iye adauza Pedru na Juwau kuti acite bzinthu mwakusa-ya kucedwa. (Luka 22:7-13) Kuyambira pamwepo, mpsakufunika kuna Akristau womwe anacikhumbo cakugumanika pa Cikumbuso kuti gole liri-lense ambakonzekere cakucitika cimweci. (Luka 22:19) Kodi ni cinthu ciponi cakufunika comwe tin'funika kucita kuti tikonzekere Cikumbuso comwe cin'dzacitika pa 3 Abril?

Bzomwe Akulu Angakonzekere:

- Citani makonzedwe ya kuti mudzaphatise basa Nyumba ya Umambo ayai mbuto inango yakuthemera. Mbutoyo in'funika kudzakhala na bzakukhalira bzakukwana icikhala yaku-ningwerewera na m'buniko. Citaniletu makonzedwe yakuti mbutoyo idzakhale yakucena.
- Sankhulanli mfotokozi wakuthemera, nyaku-tsogolera na abale kuti adzacite mpembo wa mkate na vinyo.
- Penu magwere mazinji yan'dzacitira cikumbuso pa mbuto ibodzi, panganani bza nthawé za mitsonkhano na makonzedwe ya kapitidwe na kabulidwe pa mbuto yakucitira nkhanayo na mbuto yakuimisira kanderendere ayai njinga.
- Sankhulanli mucilinganiza alatizi na omwe an'dzafambisa mkate na vinyo.
- Citani makonzedwe yakudzakhala na mkate na vinyo wakuthemera, mbale na makopo ya vidro, meza na kanguwo kakufunika.

Bzomwe Apalizi Angakonzekere:

- Khalani na makonzedwe yakudzacita mwaku-kwanira kampanya yakucemerera wantru ku Cikumbuso.
- Konzani ndandanda ya anyakupfunza wanu wa Bibliya, acibale wanu, anzanu wakuxikola omwe mumbaphata nawo basa na winango omwe mumbadziwana nawo kuti mudzawa-cemere.
- Werengani na kukumbukira Kuwerengedwa kwa Bibliya pa nyengo Yacikumbuso.
- Bwerani mudakonzekera ku Cikumbuso kuti mudzatambire alendo.

MDZINGA WAKUYAMBIRA PA 16 MARÇO

Nyimbo 65 na Mpembo

❑ Pfunziro la Bibiliya la Gwere:

my msolo 83 na mbali ya gawo 6 (mph. 30)

❑ Xikola ya Utumiki bwa Mulungu:

Kuwerengedwa kwa Bibliya: 1 Samuweri 5-9 (mph. 8)

N.º 1: 1 Samuweri 6:10-21 (mph. 3 ayai zaku-cepa)

N.º 2: Kawonedewe ka Mulungu pa kaphatisidwe basa ka mulopa nsiku zathu zino—bh-CN msolo 13 ndi. 13-16 (mph. 5)

N.º 3: Mapolofesiya ya Mesiya yomwe yadakwani-sika mwa Jezu—igw-CN tsa. 11 (mph. 5)

❑ Mtsonkhano wa Basa:

Nyimbo 98

Mph. 10: Iwo Adabziperekira na Mtima Wense ku Taiwan. Cezeranani kucokera mu Nsanja ya Olonda ya 15 Outubro 2014, matsamba 3-6. Kodi apalizi wakufotokozedwa mu nkhanzi imweyi ambakonzekera tani kuti ayende m'madzikzo yakunja? Ni bzisimbo bziponi bzomwe iwo adakomedwa nabzo? Tingapfunze na bzimwebzi mwa kukatumikira komwe kunkufunika apalizi azinji mu dziko lathu.

Mph. 20: “Kukulisa Luso Lathu mu Utumiki—Kuthandiza Womwe Timbawapasa Marevista Mwakukhazikika.” Nkhanzi yakucezerana. Mukamala kucezen-na nkhanzi, citani ciratizo cacigwatho ca mpalizi omwe ankuyambisa pfunziro la Bibliya kwa omwe ambapupasa marevista mwakukhazikika. Patso-golo pace Bvunzani mpalizi omwe ana wantru omwe ambawapasa marevista mwakukhazikika. Mbangasi wantru omwe ambawapasa marevista mwakukhazikika? Kodi iye ambakonzekera tani pa ulendo buli-bwense? Mukumbireni kuti afotoko-ze bzakugumana nabzo bziri-bzense bzomwe ni bzakusaya kuyebweka?

Nyimbo 101 na Mpembo

Kukulisa Luso Lathu mu Utumiki —Kuthandiza Womwe Timbawapasa Marevista Mwakukhazikika

Thangwe Ranyi Mpsakufunika: Wantru azinji omwe ambakomedwa kuwerenga marevista yathu ambafuna lini kupfunza nafe Bibliya. Pinango iwo ambakomedwa na cipembedzo cawo, ayai pinango ambaona kuti alibe nthawe ya kupfunza. Tsono, pakuti iwo nthawe zense ambawerenga marevista yathu, angakhale na mtima wakufuna Fala la Mu-lungu. (1 Pe. 2:2) Mbali inango ya nkhanayo ingatokonye mitima yawo, ayai bzinthu pa moyo wawo

bzingacinje. Nthawe zense, kuwazungira mwaci-gwatho kungawacitise kutsudzuka nafe ticidziwa bzomwe iwo ambafuna na thupo lawo. Pinango pfunziro la Bibliya lingadzayambike.

Momwe Mungacitire:

- Mwezi uli-wense, citani makonzedwe ya kuye-ndesera kwa m'bodzi na m'bodzi marevista ya Nsanja ya Olonda na Galamukani! yakuko-ka tsapanopa. Pinango mungawazungire pa nthawe inango mkati mwa mwezi kuti muka-kuze cikhumbo cawo ca kuwerenga nkhanzi za m'marevista yomwe mudasiya, ayai bukhu li-nango lomwe ndakugawiridwa la mweziwo. Koyani bwino bzomwe mumbanembwa.—Onani Utumiki Bwathu bwa Umambo bwa Janeiro 2014, tsamba 3.
- Konzekererani ali-wense omwe munkamuzu-ngira. M'mbuto mwa kumbandoperekira ma-revista, citisanii mweneciro nyumba kulewale-wambo na kukuza uxamwali bwanu na iye, temepo mungamucitise kufuna kudziwa bziz-nji.
- Khalani tceru kuti mugumane mpata wakuya-mbisa pfunziro. Penu m'bodzi mwa omwe mumbawapasa marevista mwakukhazikika anibvunza bzomwe Bibliya limbalewa pa nkhanzi inango, mubweresereni bukhu lomwe timbapfunzisira wantru lomwe lina mtawiro wace mucicezerana naye bzimwebzo. Munati kucoka, citani mbvunzo kuti mudzacezerane ulendo bwapatsogolo. Penu imwepo nthawe zense mwakusaya kphonya, napo mucikhala kuti mumbacea mwacigwatho mwakupha-tisa basa Bibliya ayai libodzi mwa mabukhu yathu yakupfunzisira, mumbakhala munkuci-tisa pfunziro la Bibliya. Kodi mudaperekira kale kwa mweneciro mui broxura la Bzipsa Bzabwino ndipo mucimulatiza pfunziro la Bi-bliya lacigwatho? Kodi mudamulatiza kale mavidiyo ya kuti Thangwe Ranyi Tin'funika Ku-pfunza Bibliya? na Kodi Pfunziro la Bibliya Li-mbacitidwa Tani? Napo penu muntru alibe kubvuma pfunziro la Bibliya kumbuyo, bzin-thu bzingacinje. Kodi bzingakhale bzaphi-ndu kuna imwepo kuyezera pomwe?

Yezerani Kucita Bzimwebzi Mkati mwa Mwezi Wathunthu:

- Citani ndandanda ya wantru omwe munga-wapase marevista mwakukhazikika. Wagawi-reni marevista yakumalizira kucoka, ndipo wauzeni kuti mun'dzawabweresera pomwe ya mwezi unkubwera.

MDZINGA WAKUYAMBIRA PA 23 MARÇO

Nyimbo 119 na Mpembo

❑ Pfunziro la Bibliya la Gwere:

my msolo 84 na 85 (mph. 30)

❑ Xikola ya Utumiki bwa Mulungu:

Kuwerengedwa kwa Bibliya: 1 Samuweri 10-13 (mph. 8)

N. ° 1: 1 Samuweri 11:1-10 (mph. 3 ayai za-kucepa)

N. ° 2: Kodi Bibliya lidaleweratu ciyani bza Nsiku Zathu zino?—igw-CN tsa. 12 ndi. 1-4 (mph. 5)

N. ° 3: Njira ibodzi yokha ya kaphatisidwe basa kakubvumizika ka mulopa—bh-CN mso-lo 13 ndi. 17-19 (mph. 5)

❑ Mtsonkhano wa Basa:

Nyimbo 20

Mph. 30: “Mtsonkhano ya Utumiki Bwakumunda, Imbakwanirisa Cakulinga Cace.” Mibvunzo na Mitawiro.

Nyimbo 32 na Mpembo

Mitsonkhano ya Utumiki Bwakumunda, Imbakwanirisa Cakulinga Cace

¹ Pa nthawe inango, Jezu adatsonkhanisa wantru 70 mwa anyakupfunza wace pomwe akhanati kuyenda kukacita kampanya yakupaliza. (Luka 10:1-11) Iye adawalimbisa mwa ku-wakumbusa kuti iwo akhali lini wokha, na kuti iwo akhatsogoleredwa na ‘Mweneciro kubvuna,’ Yahova. Iyembo adawapasa malango yomwe yadawathandiza kucita basa, ndipo iye adawagawa ‘awiri-awiri.’ Nsiku zino mitsonkhano yomwe timbacita pomwe tinati kuyenda mu utumiki bwakumunda imbakhalna cakulinga ci-bodzi-bodzico—kutilimbisa, kutitsogolera na kutilinganiza.

² Mtsonkhano wa utumiki bwakumunda umbacitika kwa mphindi 10 mpaka 15, womwe umbaphatanidza kulinganiza mathimu, kugawira magawo na kucita mpembo. Tsapano bzimwebzi bzacinjidwa. Kuyambira mu Abril, mtsonkhano ya kukonzekera kuyenda mu utumiki bwakumunda iti imbadzacitike kwa mphindi 5

1. Kodi mitsonkhano ya utumiki bwakumunda ina cakulinga ciponi?
2. Kodi mitsonkhano ya utumiki bwakumunda iti imbacitike kwa nthawe itali tani?

ayai mphindi 7. Tsono mitsonkhano ikambate-herana na mitsonkhano ya gwere linango, bzin’dzafunika kucepesa nthaweyo, koma ayankugumanikawo wacezerane mwakukondwa nkhanizabwino za m’Bibliya. Kucita mwacigwatho mtsonkhano ya utumiki bwakumunda bzin’dzacitisa wense kukhala na nthawe izinji mu utumiki. Kuthumizira bzimwebzi, penu apainiya ayai apalizi wan’dzayamba kupalizira, pomwe mtsonkhano wa utumiki bwakumunda unati kuyamba, bzingadzafunike kugwatiza pang’ono basa lawo kuti wakagumanike pa mtsonkhanopo.

³ Mitsonkhano ya utumiki bwakumunda in’dzafunika kulinganizidwa kuti idzathandize kwene-kwene apalizi. Mu magwere mazinji bzin’dzakhala bzaphindu kuna mathimu ya utumiki bwakumunda kuti yadzatsonkhane pace-pace kuposa kugumana mbuto ibodzi. Mwa njira imweyi bzingapuse kuti apalizi wafike pa mbuto yakugumanira mu utumiki bwakumunda ayai kuyenda mu gawo. Bzingapuse kuna apalizi kulinganiza mwakamfulumize, ndipo bzingapuse kuna anyakutsogolera tumagulu kukhala tceru kuna wale womwe iye ambawatsogolera. Bungwe la akulu lingacezerane mkhalidwe wa mbutoyo na kuwona komwe kuli bwino. Mtsonkhano unati kumala na mpembo wacigwatho, wense wan’dzafunika kudziwiratu komwe wankapalizira na munthu omwe ankopalizira naye.

⁴ **Njakufunika Mwakundendemerana na Mtsonkhano ya Gwere:** Pakuti mitsonkhano ya utumiki bwakumunda imbacitika kuti ipase phindu wale womwe ambayenda mu utumiki, mtsonkhano in’funika lini kucitika na gwere lense pabodzi. Tenepo, bzimwebzi bzinkuthandauza lini kuti in’funika kuwoneda mwakupepuwa ayai kuwoneda ninga yakusaya phindu kuposa mitsonkhano inango. Kundendemerana na mtsonkhano yathu yense, mtsonkhano ya utumiki bwakumunda ni makonzedwe ya Yahova yomwe yambaticitisa kulimbisana winango na mwanzace pa lufoyi na mabasa yabwino. (Waheb. 10:24, 25) Na tenepo, nyakutsogolera an’funika kuko-nzekera bwino kuti macezeranoyo yatumbize Yahova pabodzi na wense wakugumanikawo. Penu n’bzakufunika kucita tenepo, apalizi womwe waniyenda mu utumiki wan’funika kucita nyongo yakugumanika pa mitsonkhano ya utumiki.

3. Kodi mitsonkhano ya utumiki bwakumunda yalinganizidwa tani kuti ikhale yakuthandiza kwene-kwene apalizi?
4. Thangwe ranyi mitsonkhano ya utumiki bwakumunda in’funika lini kuwoneda ninga yakusaya phindu kuposa mitsonkhano inango?

5 Momwe Nyakutsogolera Angakonzekere-

re: Kuti munthu ali-wense akhale wakukonzeke-ra bwino kuti acite mbali pa m'tsonkhano, iye an'funika kuuzidwiratu nsikyo inati kufika. Bzi-mwebzi mpsakufunikambo pakulewa bza mitso-nkhano ya utumiki bwakumunda. Inde, penu gulu la utumiki bwakumunda linigumana palo-kha kuti liyende mu utumiki bwakumunda, anyakutsogolera maguluyo ayai anyakuwatha-dizira wawo wan'funika kutsogolera mitso-nkhano m'mathimu yawo. Na tenepo, penu gwere lin'dzapangana kuguma-na lense kuti lidzayende mu utumiki bwakumunda, nyakunyang'anira utumiki an'dza-sankhula munthu kuti adza-tsogolere. Nyakunyang'anira utumikiyo andzapasa anyaku-tsogolera wense ndondomeko ndipo kopiya yace an'dzaiikhpa pa kwadru la bzidziwiso. Nyakunyang'anira utumiki an'dza-funika kuphatisa basa luso lakukumbuka pakugwira mbali anyakutsogolera acimbakumbukira kuti mitsonkhano imweyi, kuti ifambe bwi-no, imbafuna luso lakupfunzisa na lakulingani-za bzinthu la omwe ambatsogolera. Penu palibe akulu, atumiki wakuthandiza, ayai m'bale waku-batizidwa wakuthemera wakusankhulidwa kuti acite nsiku imweyo, nyakunyang'anira utumiki an'dzafunika kuikha mpfumakazi yakubatizidwa ya luso kuti itsogolere.—Onani nkhani ya msolo wakuti "Nyakutsogolera Akakhala ni Mpumakizi."

⁶ Tikambatambira mbali ya mu Xikola ya Utumi-ki bwa Mulungu ayai mu Mtsonkhano wa Basa, timbawona bzimwebzi ninga cinthu caku-funika ndipo timbakonzekera bwino. Mbang'o-no-ng'ono wa ife womwe ambatoma kudikhirira mpaka afike ku mitsonkhano kuti ayambe kuku-mbuka bzomwe ankalewa. Mbali iri-yense yaku-tsogolera utumiki bwakumunda in'funika kuwo-nedwa mwa njira ibodzi-bodziyi. Pakuti tsapano nthawe ya mtsonkhano wa utumiki bwakumunda in'dzakhala yakucepa, kukonzekera n'kwa-kufunika kuti mtsonkhano ukhale waphindu na kumala pa nthawe yace. Kukonzekera bwino kumbaphatanidzambo kukonzekera gawo *nsiku-yo inati kufika*.

5. (a) Kodi nyakunyang'anira utumiki ana udindo buponi pakucita makonzedwe ya utumiki bwakumunda?
- (b) Kodi ni nthawe iponi pomwe mpfumakazi ingatso-golere mitsonkhano ya utumiki bwakumunda?

6. Kwa omwe aniihindwa kuti atsogolere, thangwe ran-nyi mpsakufunika kuti akonzekere bwino?

7 Bzomwe Mungacezerane:

Pakuti bzinthu bzimbasiyana-siyana mwakuyenderana na gawo liri-lense kapolo wakukhulupirika ali-be kukonza ndandanda ya mitsonkhano ya utu-miki bwakumunda. Pa kwadru yomwe ina msolo wakuti, "Pakukonzekera Mtsonkhano wa Utu-miki Bwakumunda Mungacezerane Nfundo Izi" paikhidwa bzinango bzomwe bzingathandize. Kawiri-kawiri mitsonkhano yo iti imbadzacitike mwakucezerana. Nthawe imweyo, kucezerana-ko kungadzaphatanidze kucita ciratizo cakuko-

nzekeredwa bwino ayai kuwo-nesa vidiyo yakuthemera yakugumanika mu jw.org. Mu-kambakonzekera mitsonkhano ya utumiki bwakumunda, nya-kutsogolera an'funika kuku-mbukira bzomwe bzingalimbi-se na kukonzekeresa wale womwe aniyenda mu utumiki pa nsiku imweyo.

⁸ Mwaciratizo, nsiku za Mal-

inkhuma apalizi azinji ambagawira marevista ya *Nsanja ya Olonda na Galamukani!* Azinji amba-yenda lini mu utumiki pakati pa mdzinga, koma ambayenda pa nsiku za Malinkhuma, tenepo iwo angayebwe bzinthu bzomwe adacita pa Kunama-ta kwawo ninga Banja. Bzimwebzi bzingakhale bzaphindu kuna nyakutsogolera kuti awone cibodzi mwa bziratizo bza upalizi bzomwe bziri ku-mambuyo kwa *Utumiki Bwathu bwa Umambo*. Njira zinango zimbaphatanidza kucezerana mom-we tingaphatisire basa mbali inango ya notisia za m'dera lathulo, bzakucitika ayai feriado pa kugawira marevista ayai momwe tingayambisire ulendo bwakubwerezza penu marevistayo yabvu-midwa. Penu ali-wense pa mitsonkhano ya utu-miki bwakumunda waphatasa kale basa payekha marevista yomwe yankugawiridwa, nyakucitisayo angadzawabvunze kuti iwo alewe mwacigwatho nfundo zinango ayai bzakugumana nabzo bzaku-limbisa. Mu nsiku za midzinga, nyakutsogolera angasankhule kucita ciri-cense mwakubverana na bzomwe bzinkugawiridwa pa mweziwo. Mabukhu yakupfunzirira, ninga yakuti *Bzipsa Bzabwino* na mabroxura yakuti *Tetekerani Mulungu* na bukuh lakuti *Baibulo Limaphunzitsa Chiyani* yangagawi-ridwe nsiku iri-yense, tenepo nyakutsogolerayo angacezerane mwacigwatho momwe libodzi mwa mabukhu yamweya yangagawidwire.

7. Kodi ni bzinthu bziponi bzomwe nyakutsogolera an'funika kudzacezerana?
8. Kodi n'ciyani cingakhale cakuthandiza pa kucezerana pa mitsonkhano ya utumiki bwakumunda mu nsiku za malinkhuma na za midzinga?

⁹ Penu gwere lin'khala linkucita kampanya yakupambulika m'nsiku za kumala kwa mdzinga, nyakutsogolera angacezerane momwe angagawire marevista pabodzi na mcemo ayai tumatsamba, ayai iye angacezerane bzomwe angacite penu munthuyo ankufunisia kubva bzizinji. Njira inango ingakhale kufotokozerana bzakugumana nabzo bzomwe bzingabvekese phindu la kampanyayo.

¹⁰ Momwe Apalizi Angakonekerere:

Apalizi ana mbali-mbo yakucitisa mtsonkhano wa utumiki bwa kumunda kukhala wa phindu. Mwa kukonzereratu nsikuyo inati kufika pinango pakucita kunamata ninda banja, iwo wan'dzakhala na bzakulewa kuti auzembo apalizi anzawo. Kukonzerera bwino kumbaphatanidzambo kukhala na marevista na matsamba ayai mabukhu yanango *tinati* kuyennda komwe tinkagumanira kuti tiyende mu utumiki bwakumunda ticiyenda tense mugawo mwakusaya kucedwa na bziri-bzense.

¹¹ Bziri bwino kucita makonzedwe yakumbaftika na nthawe pomwe mitsonkhano ya utumiki bwakumunda inati kuyamba. N'cadidi, timbacita nyongo yakufika na nthawe pa mitsonkhano yense ya gwere. Tsuno, kufika mwakucedwa pa mitsonkhano ya utumiki bwakumunda kungabwerese msokonezo. Mu njira iponi? M'ba-le omwe an'tsogolera ambawona mbali zinango pomwe anati kulinganiza thimulo. Penu pana apalizi ang'ono-ng'ono, iye angasankhule kuwatumiza ku mbali ya gavo lomwe lidapaliziridwa kale pang'ono. Penu winango afamba na mi-nyendo kuti akafike pa mtsonkhano wa utumiki bwakumunda ndipo gawolo liri kutali, iye angawagawe awiri-awiri na wale womwe wabwera na kanderendere. Penu gawolo limbacitika bzinthu bzaciwembu kwene-kwene, iye angasankhule abale kuti aphatire basa pabodzi na mpfumakazi ayai pafupi na thimu la mpfumakazi. Apalizi womwe mbakudwala, angagawidwe ku nyumba zomwe ziri pafupi. Apalizi watsapano angasankhulidwe kuti wayende pabodzi na apalizi waluso. Tsuno, penu apalizi anifika mwakucedwa, makonzedweyo kawiri-kawiri yan'dzafuni-

9. Penu gwere linkhala linkucita kampanya yakupambulika m'nsiku za kumala kwa m'dzinga, n'ciyani comwe mungacezerane?

10, 11. Thangwe ranyi apalizi wan'funika kukonzerera kuti mitsonkhano ya utumiki bwakumunda ikhale ya phindu?

ka kucinjidwa ayai kupfudzidwa kuti yathandizembo anyakucedwaho. N'cadidi, timbakhala na mathangwe yabwino yakucedwera pa cakutitako. Na tenepo penu timbakhala na cizolowezzi cakucedwa, tingabzibyunze penu ni thangwe rakuti tiribe thupo na mitsonkhano ya utumiki bwakumunda ayai thangwe tiribe kukwanisa kulinganiza na nthawe bzinthu bzathu.

¹² Apalizi womwe ambatsonkhana kuti aye-

nde mu utumiki, angasan-khule kucitiratu makonzedwe pawokha pomwe mtsonkhano-yo ukanaati kuyamba ayai iwo angapasidwiretu munthu wakuti ayende naye. Penu imwepo mumbandokhala munkucita makonzedwe ya kubula na mwanzanu, kodi mungacite bzimwebzo mwakutsudzuka koma mucimbayenda na apalizi wakusiyana-siyana m'mbuto mwa kumbayenda na xamwali

wanu wapamtime nthawe zense? (2 Wak. 6:11-13) Kodi nthawe zinango mungacite bzimwebzo mwa kuphata basa na mpalizi watsapano kuti mumuthandize kuti ayende patsogolo pa luso lace lakupfunzisa? (1 Wak. 10:24; 1 Tim. 4:13, 15) Tetekerani na tceru malango yali-yense yomwe mungapasidwe kuphatanidza na malango ya komwe mungayambire kupalizira. Mtsonkhano ukamala, lekani kumbacinja makonzedweyo ndipo ndokoni mwakusaya kucedwa ku gavo lomwe linkapalizidwalo.

¹³ Wan thu 70 omwe Jezu adawatuma kuti aka-palizire, iwo 'adabwerera wan'kukondwa.' (Luka 10:17) Mpsakupenukisa lini kuti Jezu adatsonkhana nawo pomwe wakhanati kuyamba kupalizira aciwathandiza kuti wagumane phindu. Nsi-ku zino, mitsonkhano ya utumiki bwakumunda ingakhale na cakulinga cibodzi-bodzico. Penu wense omwe an'cita basalo an'khala wakuzindikira acicita mbali yawo, mitsonkhano ya utumiki bwakumunda in'dzakhala yakulimbisa, yakulanganizika ndipo in'dzatithandiza kukwanisa basa lomwe tidapasidwa la kuperekwa 'umboni kwa mitundu yense.'—Mat 24:14.

12. Penu imwepo kawiri-kawiri mumbacita makonzedwe yakubula na mwanzanu, nciyani comwe mun'funika kukumbukira?

13. Penu anyakugumanika pa mtsonkhano an'khala wakuzindikira acicitambo mbali yawo, kodi mitsonkhano ya utumiki bwakumunda in'dzatipasa phindu liponi?

**Pakukonzerera
utumiki bwakumunda,
nyakutsogolera
an'dzafunika
kukumbukira bzomwe
andzacita kuti
adzalimbise na
kukonzerera wense
womwe waniyenda mu
utumiki nsiku imweyo**

Nyakutsogolera Akakhala ni Mpumakazi

Mpfumakazi in'funika kumpsinkha mu msolo ndipo bzimbakhala bwino icicita kukhala pa mpando pomwe inkutsogolera mtsonkhano wa utumiki bwakumunda. Bzomwe iye angasankhule kuti acezerane na abveseri bzingakhalemba bzibodzi-bodzi na bzomwe m'bale angadasankhula. Iye an'funika kutcenkha kuwoneka ninga ankupfuzisa wantru womwe alipowo, iye angayambise kucezerana ninga thimu. Penu iye anicemera mpfumakazi iri-yense yakubatizida kuti ipereke mpembo, mpfumakaziyo in'dza-funikambo kumpsinkha mu msolo. Penu m'bale wakubatizida an'fika pomwe iwo wayamba kale, mpfumakaziyo in'dza-funika kukumbira iye kuti apereke mpembo wakufungira. Nyakunyang'anira utumiki an'dza-funika kucitiratu makonzedwe yakuthandiza pa bzinthu bzakusaya kudikhirika aciperekia malango yakukwira kuti acepeze bzakudzasokonezabzo. Mwaci-

ratizo, munthu omwe ni mulumbwana acikhala wakubatizida, angakhale alipo pomwe mpfumakazi yasankhulidwa kuti icitise mtsonkhano, koma akulu angawone kuti iye akanati kuthemera kuti atsogolere mtsonkhano. Pa bzakucitika ninga bzimwebzi, nyakunyang'anira utumiki angauze wantru womwe wankucita mbali ya thimulo kuti mpfumakazi yaksankhulidwayo ndiyo in'tsogolera mtsonkhano koma mulumbwano ndiye an'dzapereka mpembo penu akulu aniwona kuti iye ngwakuthemera. Ayai pamwepo pangakhale pana munthu mkulu, m'bale omwe ali pansi pa bziretsa bzakutsogolera mitsonkhano ayai bza kupereka mipembo mu gwere pa mathangwe yakudziwika na akulu. Akulu angauze mpfumakazi zakusankhulidwazo kuti ndizo zin'dzatsogolera mtsonkhano na kupe-reka mpembo napo m'baleyo acikhala alipo pa mtsonkhano, koma wan'funika lini kuzimbu-la nkhani yacinsinsi yomwe idacitikira m'baleyo. Akulu wan'dza-funikambo kuuza m'baleyo nsiku zomwe mpfumakazizo zin'dzatsogolera mitsonkhano ya utumiki bwakumunda.

Pakukonzekera Mtsonkhano wa Utumiki Bwakumunda, Mungacezerane Nfundoo Izi:

- Bziratizo bza upalizi bzomwe bziri mu *Utumi-ki Bwathu bwa Umambo*.
- Vidiyo yakulewa bza utumiki yomwe ingagu-manike mu jw.org.
- Njira inango ya kapaliziridwe, ninga pinango kayambidwe, kukhazikisa ulendo bwaku-bwereza, ayai kulewa makonzedwe ya bzakuperekia bzakubzfunkira, akalibvuma bukhulo.
- Mavesi yakulimbisa ayai yakupfuzisa yomwe yangathandize mu utumiki.
- Bzakugumana nabzo bza mu utumiki bwaku-munda bza mu deralo ayai bzakufotoko-zedwa mu mabukhu.
- Nfundoo zakufotoko-zedwa mu *Utumiki Bwathu bwa Umambo*.
- Nfundoo zakufotoko-zedwa mu mbali za mu Mtsonkhano wa Basa wakucitika tsapanopa.
- Nkhani za kutumikira zakufotoko-zedwa mu *Nsanja ya Olonda*.
- Nkhani zakulewa bza utumiki zakucokera mu mabukhu ninga buku la *Sukulu ya Utumiki na "Bwera Ukhale Wotsatira Wanga"*.
- Nfundoo zakufotoko-zedwa mu jw.org zomwe zingaphatisidwe basa mu utumiki.
- Nfundoo zakufotoko-zedwa mu *Baibulo la Dziko Latsopano lacingerezi lakusandulizidwa pa-psa* zomwe zingaphatisidwe basa mu utumi-

ki. Wantru womwe ambalewalewa bzirewe-dwe bzinango angaphatise basa nfundoo zakugumanika m'tumabukhu twakuti *Kodi Tingapfunze Ciyan'i m'Fala la Mulungu?* (igw) na *Kabuku Kothandiza Kuphunzira Mawu a Mulungu* (sgd).

- Momwe tingayambisire upalizi na munthu ali-wense omwe tingagumane naye mu utu-miki, ninga omwe ambakhulupira kuti kuli-be Mulungu, omwe wambakhulupirira kuti bzinthu bzimbacita kusanduka, a Hindi ayai a Bhuda.
- Momwe tingatawirire wale womwe ambat-tawira mwakugwata mafala kulatiza kuti wan'funa lini kuceza nafe.
- Momwe tingathandizire mwanzathu omwe tinkupalizira naye kuti apite patsogolo pakulewalewa na munthu.
- Momwe tingacitire tikagumana na munthu omwe ambalewalewa cirewedwe cinango.
- Momwe tingacitire mbali inango mu utumiki yomwe winango wan'dzakhala wankucita-mbo ninga basa lakufufudza, upalizi mwa kuphatisira basa mtedwe, upalizi bwa padeca, ulendo bwakubwereza ayai mapfunziro ya Bibliya.
- Kukumbusa bza cisungiko, kusaya kucedwa, makhalidwe yabwino ayai bzinango bzaku-ndendemerana nabzo.

MDZINGA WAKUYAMBIRA PA 30 MARÇO

Nyimbo 57 na Mpembo

❑ Pfunziro la Bibiliya la Gwere:

my msolo. 86, 87 (mph. 30)

❑ Xikola ya Utumiki bwa Mulungu:

Kuwerengedwa kwa Bibliya: 1 Samuweri 14-15 (mph. 8)

N.º 1: 1 Samuweri 14:36-45 (mph. 3 ayai zaku-cepa)

N.º 2: Kodi N'ciponi Cinsinsi ca Moyo Wacikondwe-so m'Banja?—bh-CN msolo 14 ndi.1, 2 (mph. 5)

N.º 3: Kukwanisika kwa Mapolofesiya ya m'Bibliya Pakulewa bza Nsiku Zakumalizira—igw tsa. 13 ndi. 1 (mph. 5)

❑ Mtsonkhano wa Basa:

Nyimbo 37

Mph. 15: Phatisani Basa Mavidiyo Manango ya mu Webisite Yathu mu Utumiki. Nkhani yakucecerana.

Yambani na kulatiza vidiyo ya *Kodi Pfunziro la Bibliya Limbacitika Tani?* Patsogolo pace cezerana ni njira zomwe mungaphatisire basa vidiyo ayai mwakundocita kubvesera mu utumiki. Mungacite bzibodzi-bodzi na vidiyo ya *N'ciyani Cimbacitika mu Nyumba ya Umambo?* Citanimbo ciratizo.

Mph. 15: “Phatisani Basa Kabukhu Kakuti ‘Kodi Tingapfunze Ciyan m’Fala la Mulungu?’ kuti Tiyambise Maceza.” Mibvunzo na mitawiro. Kumbirani abveseri kuti afotokoze njira zinango za momwe angaphatisire basa kabukhu kakuti “Kodi Tingapfunze Ciyan m’Fala la Mulungu” mu utumiki. Wantru azinji womwe ambalewalewa lini Cingerezi adatambira kabukhu kakuti *Kodi Tingapfunze Ciyan m’fala la Mulungu (igw)* komwe kadacose-dwa pa mtsonkhano wacigawo wa 2014 wa msolo wakutu “Pitirizani Kulinga Pakuyamba Umambo bwa Mulungu.” Citanimbo ciratizo.

Nyimbo 114 na Mpembo

Phatisani Basa Kabukhu Kakuti ‘Kodi Tingapfunze Ciyan m’Fala la Mulungu?’ kuti Tiyambise Maceza

¹ Mu kabukhu kakuti “Kodi Tingapfunze Ciyan m’Fala la Mulungu” muna nfundo zinango zakuthumizira zomwe zatengedwa mu mbali yakuya-mbirira mu *Baibulo la Dziko Latsopano* la cingerezi lomwe lidasanduliziridwa papsa. Kodi tingaphatisire tani basa nfundo zatsapanozi pomwe tinkukon-zekera momwe tingakapalizire mu utumiki? Pakuti inkufotokoza bza misolo mizinji ya nfundo za m’Bibliya, mwakundendemerana na bzomwe bziri mu bukhu la *Kukambitsirana*, limweri lingakhale lakuthandiza kwene-kwene pa kuyambisa maceza.

1. Kodi tidatambira cinthu ciponi cipsa comwe ci-n’dzatithandiza mu utumiki?

² Mungaphatise basa mbvunzo wa 8 mucilewa kuti: “Tinkuzungira mwacigwatho wantru wa m’dera lino thangwe wantru azinji ambadabwisa mwakubzbivunza kuti ‘Kodi Mulungu ndiye omwe ambacitisa kubonera?’ [Mu madera manango, mpsakuthandiza *kulatiza* mweneciro nyumba mbvunzoyu.] Kodi imwepombo munkukumbuka tani pa nkhani imweyi? [Dikhirani atawire.] Bibliya limbaperekira mtawiro wabwino pa mbvunzo umweyu.” Werengani mu Bibliya mucicecerana vesi libodzi ayai mazinji yakunembedwa pamwepo. Penu mweneciro mui ankuwoneka kuti ankufuna kudziwa bzizinji, mungamulatize iye mibvunzo 20 yomwe iri m’kabukhuka ndipo mukumbireni kuti asankhule mbvunzo m’bodzi kuti mudzacecerane ulendo bwakutewera. Ayai mungamugawire libodzi mwa mabukhu yathu yakupfunzisira yomwe yana nfundo zakuthumizirika pa nkhani yomwe munkuceceranayo.

³ Mibvunzo 4 na 13 mpaka 17 ingakhale yaku-thandiza pomwe tinkupalizira mu madera yomwe yana bzipembedzo bzizinji bzomwe N’bzacikristau lini. Mwaciratizo, mungaphatise basa nfundo za mbvunzo wa 17 muciti: “Tinkuzungira wantru mwacigwatho ninga basa lapadeca kuna mabanja. Mungabvume kuti mabanja yankugumana na mabvuto mazinji nsiku zino? [Dikhirani atawire.] Mabanja mazinji yankugumana mafala ya nzeru yaku-thandiza yakuti: ‘Mkazi an’funika kuperekira ulemu bukulu kuna mwamuna wace.’ [Mun’funika lini ku-cita kulewa kuti mafalaya yankucokera pa Wayefeo 5:33. Penu munkulewalewa na muntru wacikazi, mungalewe mwakundobwerezera mafala ya pa Wayefeo 5:28.] Kodi munkukumbuka kuti kupha-tisa basa malango yamweya kungakhale kwakupa-sa phindu pa malowoz?”

⁴ Pakumalizira pa maceza yanuyo, citani makon-zedwe yakuti mudzacecerane pa nthawe inango. Pinango mungacite makonzedwe yakulewale-wa bza libodzi mwa mavesi manango pa mbvunzo omwe mwaphatisa basayo. Pa nthawe yakutheme-ra, uzani mweneciro nyumba kuti bzomwe munkulewalewa nayebzo ni nzeru yakucokera mu Bibliya. Mwakubverana na maceza yomwe mukhadacita na momwe iye ambawonera Bibliya mupaseni bukhu, broxura ayai katsamba, bzomwe bzingamulimbise. —Onani phathika ya mu *Utumiki Bwathu bwa Umma-bo* ya Dezembro 2013.

2. Kodi tingaphatise tani basa mu utumiki kabukhu kakuti ‘Kodi Tingapfunze Ciyan m’Fala la Mulungu?’
3. Kodi tingaphatise tani basa kabukhu kakuti ‘Kodi Tingapfunze Ciyan m’Fala la Mulungu?’ kuti tiyambise maceza mu madera yomwe wantru ali m’bzipembedzo bzomwe N’bzacikristau lini?

4. Kodi mun’funika kucita ciyan kwakumalizira kwa maceza yanu na muntru womwe ngwacipembedzo comwe n’cacikristau lini?

MDZINGA WAKUYAMBIRA PA 6 ABRIL

Nyimbo 124 na Mpembo

❑ Pfunziro la Bibliya la Gwere:

my msolo 88 (mph. 30)

❑ Xikola ya Utumiki bwa Mulungu:

Kuwerengedwa kwa Bibliya: 1 Samuweri 16-18 (mph. 8)

N.º 1: 1 Samuweri 18:17-24 (mph. 3 ayai za-kucepa)

N.º 2: Kodi Mulungu Ndiye Ambacitisa Mabvuto ya Wantru?—igw-CN tsa. 14 ndi. 1-4 (mph. 5)

N.º 3: Kuti Banja Likhale Lakukondwa Limba-funa Kucitanyi?—bh-CN msolo 14 ndi.3, 4 (mph. 5)

❑ Mtsonkhano wa Basa:

Nyimbo 85

Mph. 10: Gawirani Marevista m'Mwezi wa Abril. Nkhani yakucezerana. Yambani na ciratizo cakuwonesa momwe marevista yangagawidwire mwa kuphatisa basa bziratizo bza upalizi bzomwe bziripo. Mukamala cezeranani ciratizo ciri-cense kuyambira kwakuyamba mpaka kuphampha kwace.

Mph. 10: Bzatifambira Tani? Nkhani yakucezerana. Kumbirani apalizi kuti alewe momwe iwo agumanira phindu mwa kuphatisa basa nfundo za mu nkhani yakuti "Kukulisa Luso La-thu mu Utumiki—Kuthandiza Womwe Timba-wapasa Marevista Mwakukhazikika." Kumbirani abveseri kuti afotokoze bzakugumana nabzo bzabwino.

Mph. 10: Bzakusaya bza Gwere.

Nyimbo 106 na Mpembo

Bzidziwiso

■ Mabukhu Yakugawira mu Março na Abril

2015: Marevista ya Nsanja ya Olonda na Galamu-kani! **Maio na Junho 2015:** Bukhu lakuti Kodi Baibulo Limaphunzitsa Chiyani Kwenikweni? ayai katsamba kakuti Mun'kufuna Kudziwa Cadidi? na tumatsamba tuli twense tomwe tulipo twa mkonzedwe watsapano.

■ Cikumbuso cin'dzacitika nsiku ya Cixanu, 3 Abril 2015. Penu gwere lanu limbacita mitsonkhanano nsiku za Cixanu, mun'dzafunika kucinja mitsonkhanoyo kuti icitike pa nsiku inango mkati mwa mdzingayo pomwe Nyumba ya Umumbo indzakhalala inkuphatisidwa lini basa. Penu mun'cita makonzedwe ya kuleka kucita mbali za Mtsonkhano wa Basa, nyakubveranisa bungwe la akulu angacite makonzedwe kuti mbali zomwe n'zakuthandiza mu gwere lanu zdzafotokozedwe mkati mwa mwezi.

Bziratizo bza Upalizi

NSANJAYA OLONDA 1 Abril

YOLENGEZA UFUMI WA YELOWA

"Lero tinkuperekira katsambaka kuna ali-wense mu dera lino. [Mupaseni mweneciro mui katsamba kakuti Kodi Mumbaliwona Tani Bibliya? ndipo citani mibvunzo yomwe iri kutsogolo. Mulatizeni mtawiro wa m'Bibliya pa 2 Timotio 3:16 ndipo mulimbiseni iye kuti awerenge katsambako akaguma-na nthawe.] Wantru azinji ambazindikira lini kuti Bibliya limbaperekira mitawiro yabwi-no pa mibvunzo ninga imweyi. [Mulatizeni mibvunzo yomwe iri kwakuyambirira kwa nkhani yakuyamba mu Nsanja ya Olonda.] Revistayi inkufotokoza momwe mungagumaniре mitawiro mu Bibliya lanu."

Galamukani! Abril

"Lero tinkuzungira wantru mwacigwatho, thangwe azinji ambakhala na thupo thangwe ra kucinja kwa bzinthu bzomwe iwo amba-wona m'mabanja. Mu magole yakumbuyo, abereki akhabzibva kuti ana udindo, koma tsapano m'mabanja manango wana ndiwo ambabzibva tenepo. Kodi imwepo munku-wona kuti tsapano abereki ambapfunzisa wana wawo ninga momwe iwo wan'funikira? [Dikhirani atawire.] Mwakubverana na Bi-bliya, kulanga n'kwakufunika. [Werengani Mimwani 29:17.] Revistayi inkufotokoza bza malango yakuthemera ya m'Bibliya ya kula-ningira wana."

Bzakucitika mu Utumiki

Tinkukondwa kudziwisa kuti mu mwezi wa Agosto ti-khana mulewengo ukulu wa kuposa m'magole yense wakukwana 56.682 wa apalizi. Bzimwebzi bzinkulatiza kuthumizirika kwa mulewengo wa kuposa mwezi ubodzi-bodziyu wa gole lidamalali. Kuthumizira pa ku-wanda kumweko kwa apalizi, tidacita bzizinji mu mba-li zinango za basa la utumiki bwakumunda na bzin-thu bzomwe tidagawira. Tinkulimbisa apalizi wense kuti apitirize kucita bzizinji na kuperekira mwakamfulu-mize maora yawo ya utumiki. Mungakhale wakutsimi-kiza kupitiriza kunamata mu tempwlo ikulu yauzimu, ticimbunga mbali zense na 'bzin-thu bzawino', mpaka pomwe Yahoo-an'dzalewa kuti bzakwana.—Hag. 2:6, 7.



km1503-NYUMZ
141212